



PITU
Postboks 1858
3900 Nuuk

11. juli 2018

Naf. nr./j.nr.: 2017-900-0020
Alt. nr./brevnr.: 56195
Sull./sagsbeh.: HB/joni

INAARUTAASUMIK NALUNAARUSIAQ

Paaqqinniffiup imminut pigisup PITU-p immikkoortorta- qarfiani Tasiilamiittumi misissuineq

1. Aallaqqaasiut

Ulloq unnuarlu paaqqinniffiup imminut pigisup PITU-p Tasiilami immikkoortortaqarfiani misissuineq misissuartortunit 5. april 2018-imi ingerlanneqarpoq. Misissuineq Ombudsmandeqarfifiup ataatsimut sulineranut ilaatillugu ingerlanneqarpoq, taamaalillunilu naammagittaalliummik tunngaveqarnani ingerlanneqarluni.

Misissuartortut tassaapput siunnersortit pisortaat Lasse Risager, fuldmægtig Henrik Bach aamma oqalutsi Jokum Nielsen Ombudsmandeqarfimmeersut. Misissuineq Meeqqat Pisinnaatitaaffiinut Sullissivimmi MIO-mi meeqqat pillugit siunnersortip Ellen Bang Bourupip peqataaffigaa.

Misissuinermi eqqartorneqartut ilaannaat nalunaarusiami matumani ilanngunneqarput.

PITU nalunaarusiaagallartoq manna pillugu oqaaseqaammik saqqummiussinis-saminut periarfissinneqarpoq. PITU-p oqaaseqaatai e-mailikkut 13. juni 2018-imeersukkut tigusakka nalunaarusiami ilanngunneqarput.

2. Misissuinerup inatsiseqartitsinikkut tunngavia

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Om-

budsmandi pillugu inatsimmik taaneqartartussami) nr. 7-imi, 1. juni 2017-i-meersumiippoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqartuunani, tak. § 6, imm. 1.

Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit. Pissutsit kiffaanngissusiagaasut paaqqinniffinni/suliffeqarfinni il.il. namminersortuni pisortani oqartussaasup aalajangiineratigut, pisortani oqartussaasup kaammattuuteqarneratigut pisortaniluunniit oqartussaasup akuersineratigut akuersaarneratigulluunniit kiffaanngissusiagaaffiusuni atugaat Ombudsmandip sulinerani pineqartunut aamma ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit aappaat. Pissutsit meeqqat paaqqinniffinni/suliffeqarfinni il.il. namminersortuni meeqqat eqqarsaatigalugit suliassanik imaaliallaannaq isumagisaqartuni atugaat Ombudsmandip sulinerani pineqartunut aammattaaq ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit pingajui.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminilluunniit ingerlatsinermennut atatillugu allatigut kukkussuteqarnersut sumiginnaandersulluunniit Ombudsmandip nakkutigisassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, inassuteqaateqarsinnaalluni suliamillu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu Ombudsmandip – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – pissutsit

paaqqinniffiup aaqqissuussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarnerannut taakkulu pillugit ingerlatnut tunngasut inuppalaartumik misigittartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaase-qatigiit aappaat.

3. Misissuinerup piareersarneqarnera ingerlanneqarneralu

PITU misissuartussamaarnermik oqarasuaatikkut 1. september 2017-imi ilisi-matinneqarpoq, misissuinerlu pillugu paasissutissat amerlanerusut allakkatigut 7. februar 2018-imeersutigut tigullugit.

Paaqqinniffik, sulisut najugaqartullu pillugit allakkatigut paasissutissat assigiin-ngitsut misissuineq sioqqullugu PITU-mit tiguakka.

Taakkua saniatigut misissuineq pillugu nalunaarusiaq 2016-imeersoq Isuma-ginninnermut, Ilaqtariinnut, Naligiissitaanermut, Inatsisinillu Atuutsitsinermut Naalakkersuisoqarfimmit tiguara.

Sulisut, najugaqartut, najugaqartullu angajoqqaavi misissuineq pillugu aamma misissuartortunik oqaloqateqarnissaminnut periarfissaqarnerannik siumut ilisi-matinneqarput.

PITU-mi pisortaqatigiit, tassaasut aqtsinermi pisortaagallartoq paaqqinniffiul-lu isumaginninnikkut ataqtigiissaarisua paaqqinniffiup Nuummi pingaarnertut immikkoortortaqarfiani ulluinnarni sulisut Tasiilamilu immikkoortortaqarfiup pisortaa, misissuartortunit misissuinermi oqaloqatigineqarput. Taakkua saniati-gut sulisut pingasut najugaqartullu pingasut ataasiakkaarlugit misissuartortu-nit oqaloqatigineqarput.

Immikkoortortaqarfiup initai misissuartortunit aammattaaq misissorneqarput.

4. PITU pillugu ataatsimut oqaatigisassat

PITU meeqqanik inuusuttunillu sumiginngaasimasunik 0-18-inik ukiulinnik pinggaartumik qatanngutigiit isiginiarlughit ulloq unnuarlu paaqqinniffiuvoq immi-nut pigisoq. Paaqqinniffik Nuummi Tasiilamilu immikkoortortaqarfeqarpoq.

Misissuineq 5. april 2018-imi ingerlanneqartoq nalunaarusiamni matumani al-laaserineqartoq Tasiilami immikkoortortaqarfimmut sammititaavoq. Immik-koortortaqarfimmi Nuummiittumi misissuineq Ombudsmandeqarfimmit 6. marts 2018-imi aammattaaq ingerlanneqarpoq, taannalu nalunaarusiamni allami al-laaserineqarpoq.

Tasiilami immikkoortortaqarfik ilaqtariinnut illuliami 127 m²-tut angitigisumi inissisimavoq, najuqartunullu sisamanut inissaqarluni. Misissuinerup nalaani si-samat tassani najugaqarput.

5. Ombudsmandip pingarnerusutigut naliliinera

PITU paaqqinniffittut pitsaasunik pingarnerusutigut paasiaqarfigaara, tassanilu pisortaqatigiit sulisullu paaqqinniffimmi najugaqartut toqqissisimanartunik angerlarsimaffippalaartunillu avatangiiseqarnissaannik pilersitsiniarneq pinggaartillugit anguniarpaat.

Najugaqartut misissuiartortunit oqaloqatigineqartut Tasiilami immikkoortorta-qarfimmi najugaqarnertik nuannaralugu sulisunillu ajunngitsumik pineqarlutik oqaatigaat.

Sulisut misissuiartortunit oqaloqatigineqartut unneqqrissuunerat, isumassuiluuartuunerat soqutiginnittuunerallu malunnarpoq, immikkoortortaqarfimmilu sulinertik nuannaralugu oqaatigaat.

Initai ataatsimoortarfiit kusanartuupput, eqqiluitsuullutik nuannersuullutillu.

Pissutsit arlallit oqaaseqaateqarnissannut pissutissaqalersippaannga. Taakku immikkoortuni 6-imit 12-imut allaaseraakka.

6. Pissaanermik atuinermik nalunaarutiginnittannginneq

Meeqqanut 18-it inorlugit ukiulinnut ulloq unnuarlu paaqqinniffimmut inissinneqarsimasumut pissaanermik atuisarneq pillugu malittarisassat isumaginninermik suliassaqarfimmi pissaanermik atuineq pillugu Inatsisartut inatsisaanni nr. 1-imi, 21. november 2013-imeersumi (matuma kingornatigut pissaanermik atuisarneq pillugu inatsimmik taaneqartartussami) immikkoortuni I-imi aamma II-miippoq (§§-ini 1-imit 29-mut). Inatsimmi tassani immikkoortut I aamma II ulloq unnuarlu paaqqinniffinnut tamanut atuuppoq, matumani paaqqinniffiit PI-TU-tut ittut ilanngullugit eqqarsaatigalugit.

Pissaanermik atuisarneq pillugu inatsimmi §§-it 19-imit 22-mut pissaanermik atuinermik nalunaarsuisarneq nalunaarutiginnittarnerlu pillugit malittarisassanik imaqarput. Inatsit piareersarlugu suliani oqaatigineqarpoq malittarisassat taakkua pissaanermik atuisarneq pillugu malittarisassat malinnejernerannik nakkutilliineq ilaatigut siunertarigaat.

Pissaanermik atuisarneq pillugu inatsimmi § 19, imm. 1-ikkut aalajangersarneqarpoq pissaanermik atuinernit suulluunniit nalunaarsorneqartassasut, taakkulu ulloq unnuarlu paaqqinniffiup kommunimi uninngavigisami kommunimilu najugarivitami kommunalbestyrelsirut aamma Naalakkersuisunut kiisalu meeqqat ataasiakkaat nakkutilliisoqarpata taakkununnga nalunaarutigisassagai. Timikkut pissaanermik atuinernik nalunaarsuisarnermi nalunaarutiginnittarnermilu periaaseq erseqqinnerusoq pissaanermik atuisarneq pillugu inatsimmi §§-tigut 20-kkut aamma 22-kkut aalajangersarneqarpoq. Taakkununnga ilaatigut erserpoq meeqqap pisoq pillugu nassuaamminik nammineq saqqummiussinissaq pisinnaatitaaffigigaa, tak. § 21, imm. 2 aamma § 22, imm 3, kiisalu nalunaarutiginninneq ulloq unnuarlu paaqqinniffiup ullut pingasut qaangiutsinnagit nassutiissagaa, tak. § 20, imm. 4 aamma § 22, imm. 2.

PITU-p misissuineq sioqqullugu oqaatigaa paaqqinniffik immikkoortortaqarfimi Tasiilamiittumi 2017-imi pissaanermik atuisoqarsimanera pillugu paasissutissanik peqanngitsoq. Pissaanermik atuisarneq eqqarsaatigalugu paaqqinniffiup iluani tunaartarisassat assilinerat aammattaaq tiguara, tassanilu ilaatigut makku oqaatigineqarput:

"Pissaanermik/nukinnik atuisoqartariaqarsimappat piaartumik sillisimasuusoq ilisimatineqassaaq. Sillimasuusup (bagvagtip) ulluinnarni aqutsisoq ilisimatissavaa nalunaaquttallu akunneri 24-it qaangiutsinnagit immersugassaq nalunaruteqartussaatitaaneq malillugu immersorneqarsimassooq. Immersorneqartoq Pisortamut ingerlateqqinnejassooq ullullu pingasut qaangiutsinnagit immersorneqartoq kommuninut, Naalakkersuisunut aammalu meeqqamut akisussaasumut nalunaarutigineqassammata."

Pisortaqtigiiit misissuinermi oqaatigaat Tasiilami immikkoortortaqarfimmi pissaanermik atuiffiusunik pisoqartarsimanngitsoq, tassami meeqqat immikkoortortaqarfimmi najugaqartut sakkortuuliortartuunngimmata tamanna pisariaqartinneqanngimmat.

Sulisut ilaat pingasut misissuiaartortunit misissuinermi ataasiakkaarlugit aammattaaq oqaloqatigineqarput. Sulisut taakkua ilaasa marluk tamarmik immikkut 2018-imi martsimi pisoq pissaanermik atuinertalik marluullutik akuuffigismasartik nassuaallutik oqaluttuaraat. Pisoq taanna nalunaarutigineqarsimanngilaq. Sulisut pingajuata pisoq alla pissaanermik atuinertalik ukiup ataatsip missaata matuma siornatigut pisimasoq oqaluttuaraa, taannalu aamma nalunaarutigineqarsimanngilaq. Sulisut nassuaatitut oqaatigaat pisunik allanik pissaanermik atuinertalinnik ilisimasaqaratik.

Nassuaatit taakku misissuiaartortut pisortaqtigiinnut kingusinnerusukkut saq-qummiuppaat, taakkualu oqaatigaat pisut taakku ilisimasaqarfinginagit. Immikkoortortaqarfik allattaaveqarpoq sulisut immikkut ittunik pisoqarsimatillugu al-lattuiffissaannik. Taanna tassaavoq pisortaqtigiiit immikkoortortaqarfimmi sunik pisoqarneranik malinnaaviginneriaasiat.

PITU e-mailitigut 13. juni 2018-imeersutigut allappoq:

"Misissuinerup ingerlanerani paasineqartut pissaanermut atuisimanermut tunngasut suliassatut pingaarutilittut tiguagut. Sulisut ilisimatitsisussaattaaanerat ingerlaannaq eqqartorneqaaqqippooq. Misissuinerup aqaguani erngertumik eqqartueqatigiinnerit ingerlaqqipput, nalunaartussaatitaaneq pil-lugu sulisut ilisimasariaqagaat aamma iliuusissaat ersarissut pinngitsooratik malittariaqarneri erseqqissaassutigineqarlutik. Tasiilami aqutsisoq nutaajuvooq, taamaammat siorna pisimasunut ilisimasai killeqarlutik. Ersarissaatit ilagaat perorsaanermi suliffeqarfittut pingaartitatta ersarittuarnissaa meeqpap sumiiffianik naapillugu, akuersaarnermik aallaaveqarluni perorsaaneq. Ataatsimiinnerni inatsisip qaqinneqartuarnissaa iliuusissallu ersarissut pio-reersut eqqartorneqartuarnissaat minnerpaamik piumasarineqarluni."

Pisuni marlunni taakkunani pissaanermik atuinermik nalunaarutiginnittooqartarsimannginnera isorisarialittut isigaara. Inassuteqaatigaara pisut pissaanermik atuisoqarfiusut tamarmik pissaanermik atuisarneq pillugu inatsimmi §§-it 19-imit 22-mut tunngavigalugit siunissami nalunaarutigineqartarnissaat PITU-p qulakkiissagaa.

7. Pissaanermik atuisarneq pillugu inatsisip sulisunut tunniunneqartarnera

Pissaanermik atuisarneq pillugu inatsimmi § 29-kkut aalajangersarneqarpoq inatsit taanna ulloq unnuarlu paaqqinniffinni inatsimmi pineqartunut ilaatinneqartuni tamani sulisunut tamanut tunniunneqartassasoq, sulisullu inatsimmik tigusaqarnertik ulloq unnuarlu paaqqinniffimmut upternarsarlugu atsiortinneqartassasut.

Immikkoortortaqaqrifimi Tasiiliamiittumi pissaanermik atuisarneq pillugu immikkoortortaqaqrifimi tunaartarisassat PITU-p misissuineq sioqqullugu uannut nassiuppi. Tunaartarisassanit taakkunannga ilaatigut erserpoq sulisut nutaat tamarmik inatsisip assilineranik tunineqartassasut, inatsisillu imarisaa paasimallugu upternarsaallutik atsiortinneqartassasut.

Pisortaqtigiit misissuinermi nassuaatitut oqaatigaat immikkoortortaqaqrifik Tasiiliamittooq allaffimmi mappiuteqartoq pissaanermik atuisarneq pillugu inatsimmiq imaqartumik, taannalu sulisut qupperarsinnaagaat. Pisortaqtigiit nassuaatitut aammattaaq oqaatigaat sulisut tamarmik immikkut inatsimmik tunineqartartut, inatsimmillu tunineqarsimanertik upternarsarlugu atsiortussaasut.

Sulisut ilaata misissuiartortunut nassuaatitut oqaatigaa pissaanermik atuisarneq pillugu inatsimmik tunineqarsimanani. Sulisut marluk misissuiartortunit oqaloqatigineqartut tamarmik immikkut nassuaatitut oqaatigaat inatsimmik tunineqarsimallutik.

PITU e-mailikkut 13. juni 2018-imeersutigut ilisimatitsivoq pissaanermik atuisarneq pillugu inatsisip sulisunut nutaanut taartaasunullu tunniunneqartanginnera kukkunerusimassasoq.

Paasissutissiineq tusaatissatut tiguara.

8. Meeqqat angajoqqaallu pissaanermik atuisarneq pillugu inatsimmik ilisimatinneqartarnerat

Pissaanermik atuisarneq pillugu inatsimmi § 27-kkut aalajangersarneqarpoq meeqqat inissinneqarsimasut angajoqqaatullu oqartussaassuseqarnermik ti-gummiaqartut inatsimmi immikkoortumi II-mi (§§-ini 4-mit 29-mut) malittarisassanik ilisimatinneqarnissaat ulloq unnuarlupaaqqinniffiup qulakkiissagaa, matumani tulleriinneri malillugit kommunalbestyrelsimit aamma Isumaginninermi Naammagittaalliuuteqartarfimmut §§-it 24 aamma 26 tunngavigalugit naammagittaalliorissamut periarfissaqarnera ilanngullugu eqqarsaatigalugu.

Inatsimmi § 27 piareersarlugu sulianit erserpoq meeqqap angajoqqaatullu o-qartussaassuseqartup sunik pisinnaatitaaffeqarnerminnik ilisimasaqarnissaat kiisalu ulloq unnuarlupaaqqinniffimmi sulisut meeraq eqqarsaatigalugu pissaanermik atuinermi qanoq iliuuseqartarnissaat aalajangersakkap taassuma qu-lakkiissagaa.

PITU-mi aqutsinermi pisortaagallartup misissuinermi oqaatigaa angajoqqaat pissaanermik atuisarneq pillugu inatsimmi malittarisassanik kommunip ataatsimeeqatigineqarnerani ilisimatinneqarsimasut. Meeqqat sunik pisinnaatitaaffeqarnerminnik aamma ilisimatinneqarsimapput, pissaanermillu atuisarneq pillugu inatsimmi meeqqat eqqarsaatigalugit killissat suut atuunnersut aamma ilismallugu. Meeqqalli pissaanermik atuisarneq pillugu inatsimmi naammagittaalliorissamut periarfissaq pillugu malittarisassanik ilisimatinneqarsimanersut pisortaqatigiit nalornissutigaat.

PITU e-mailikkut 13. juni 2018-imeersutigut paasissutissiivoq malittarisassat pillugit meeqqat ilisimatissimallugit, siunissamilu meeqqanut ilisimatitsisarnerup qaqlinneqallattaarnissaa allallugu.

Paasissutissiineq tusaatissatut tiguara.

9. Namminerisamik ineeraqarsinnaaneq

Meeqqanik ulloq unnuarlu paaqqinniffik meeraq namminerisamik ineeraqartus-sanngorlugu aaqqissugaassaaq. Tamanna meeqqanik ulloq unnuarlu paaqqin-niffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 19-imi, 24. november 2017-imeersumi (matuma kingornatigut ulloq unnuarlu paaqqinniffiit pillugit nalunaarummik taaneqartartussami) § 7, imm. 1-ikkut aalajangersarneqarpoq. § 7-imi aalajangersakkami ilaatigut sulif-feqarfiit imminnut pigisut pineqartunut ilaatinneqarput, tak. § 1, imm. 1, nr. 3.

Immikkoortortaqarfimmi pisortaagallartup misissuinermi oqaatigaa meeqqanut sisamanut marlunnik sinittarfeqartoq, taamaalillutillu qatanngutigiit marluusut ineqqami ataatsimi sinittartut.

Immikkoortortaqarfimmi pisortaagallartup oqaatigaa paaqqinniffiup ulloq unnuarlu paaqqinniffiit pillugit nalunaarummi pineqartunut ilaanera PITU-p eqqu-maffigigaa, immikkoortortaqarfiullu Tasiilamiittup ulloq unnuarlu paaqqinniffiit pillugit nalunaarummi § 7, imm. 1 eqqortinngikkaa.

Aqutsinermi pisortaagallartup e-mail 22. marts 2018-imeersoq PITU-p immik-koortortaqarfimmi Nuummiittumi 6. marts 2018-imi misissuinermut uiggiullugu uannut nassiuussimasaa aamma innersuussutigaa. PITU-p e-mailimi tassani ilaatigut oqaatigaa paaqqinniffik ulloq unnuarlu paaqqinniffiit pillugit nalunaarutip suliarineqarneranut atatillugu peqataatinneqarsimanngitsoq, paaqqinnif-flu taamani Isumaginninnermut, Ilaqutariinnut, Naligiissitaanermut Inatsisi-nillu Atuutsitsinermut Naalakkersuisoq ulloq unnuarlu paaqqinniffiit pillugit nalunaarummi § 7, imm. 1-ip kingunerisassai pillugit ataatsimeeqatigeqqamme-raa. Paaqqinniffiup kingunerisassat taakku pillugit ilaatigut makku oqaatigai:

"Tamanna "Peqatigiiffik Isumassortit"-p nutaap ilaasortaanut ulloq unnuarlu paaqqinniffiin-nut imminnut pigisunut tallimaasunut isumaqarpoq tamatta meeqqat katillugit 15-it anis-sittariaqarivut. Isumaginninnermut Naalakkersuisuusimasumut apeqqutigisavut ukuupput:

Sumummi pissappat?

Paaqqinniffinnut sorlernut innissinneqassappat?

Paaqqinniffipassuarnik nutaanik sanaartortoqassava?

Kina akiliissava?

(Ullumikkuinnarluunniit peqatigiiffimmik pilersitsiniarluta sulinitssini kommuninit assigin-gitsunit tamatta immikkut saaffiginneqarpugut inissaqartitsinersugut paasiniaasunit.)

Tamanna meeqqat eqqarsaatigalugit inuttut ajoirluinnartussaavoq, tassami meeqqat naaliuuteqareeqimmata, meeqlanillu allanik ineqateqarnermikkut toqqisisimanermik misigisarmata. Meeraatitta ilarpassui qulit inorlugit ukioqarput.

Nalunngilarput allat tamarmik – aamma Namminersorlutik Oqartussat paaqqinniffiutaat – ineqartissinnaasatik sinnerlugit ulikkaaqqareersut.

Isumaginninnikkut kingunerlorujussuartussaavoq, tamannalu inuiaqatigiit akissaqartinngilaat – tassalu uagut oqariartuuterput.

[...]

Nalunaarutip Danmarkimi pissutsit maliinnarnagit inuiaqatigiit ajornartorsiutaanni pissusiviusunut naleqqussarneqarnissaa peqatigifimmi ilungersorluta suliniutigaarput. Inissaaleqinerujussuaqareerpoq. Kalaallillu Nunaanni ilaqtariit meerartallit amerlanerpaartaat a-kunnattunik isertitallit arlalinnik meerartaqarunik meerartamik tamarmik immikkut ineeraqartinneqarnissaannut periarfissaqanngilluinnarput.

Tamatumunnga peqatigillugu aamma apeqquaavoq meeqqat eqqugaasut inooqataanisartik qanoq iliorlutik ilinniarsinnaaneraat. Aap, nalunaarut eqqarsaatigilluagaavallaanngitsoq pillugu apeqquissarpassuaqarpugut." (Atorfefarfimmi nutsigaavoq)

Immikkoortortaqarfimmik Tasiilamiittumik misissuinermi najugaqartut pingasut ataasiakkaarlugit misissuiartortunit oqaloqatigineqarput. Oqaloqatigiinnerni taakkunani najugaqartut oqaatigaat ineeqqani marlukkaarlutik ineqarnertik nuannarigitsik. Najugaqartut marluk aammattaaq oqaatigaat namminerisaminik inearaqarnissartik pileriginngikkitsik, pingajuatali oqaatigalugu namminerisaminik inearaqarusussinnaalluarluni.

Isumaqpunga PITU-p immikkoortortaqarfiata Tasiilamiittup meeqqat tamarmik immikkut namminerisaminnik inearaqartinnagit aaqqissuunneqarnera ulloq unnuarlu paaqqinniffiit pillugit nalunaarummi § 7, imm. 1-imut naapertuut-tuunngitsoq.

Ulloq unnuarlu paaqqinniffiit pillugit nalunaarummi § 7, imm. 1-imi aalajangersakkap kingunerisinnaasai eqqarsaatigalugit malugaara PITU-p Isumaginninermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisuusimasoq, ulloq unnuarlu paaqqinnittarfiit pillugit nalunaarummik maanna atuuttumik atuutsilsuersuusoq 2018-imi martsimi tamanna pillugu ataatsimeeqatigisimagaa.

Tamatumunnga atatillugu oqaatigaara ulloq unnuarlu paaqqinniffiini meeqqat namminerisaminnik ineqassanerat imaluunniit qatanngutiminnik ataatsimik ar-

Ialinnilluunniit imaluunniit najugaqartunik allanik ineqateqarnissaat pillugu ma-littarisassanik ilusilersuineq ilaatigut isumaginninnermik suliaqarnikkut isumaliutersuutinik tunngaveqartoq aallaavittut ilimagisariaqartoq. Uanga Ombudsmanditut suliassara tassaavoq oqartussaasut il.il. inatsiseqartitsineq atuuttoq aamma ingerlatsinermi ileqqorissaarneq unioqqutillugit iliuuseqarnersut misissussallugu. Kisianni soorlu nalunaarummi aalajangersakkat naleqquttuuneran-nik isummerfiginninneq Ombudsmandip sulinerata avataaniippoq. Tassani aamma ilaapput uanga Ombudsmanditut isumaginninnermik sulianik immikkut ilisimasaqartunik sulisoqannginnera.

10. Meeqqat sinittarfiisa pisataqarpianginnerat

Misissuartortut immikkoortortaqarfiup initai misissuinermi misissorpaat.

Misissuartortut isumaqarput torsuusaq inilu nuannersutut angerlarsimaffippalaartutullu aaqqissugaasut, meeqqalli sinittarfi marluk pisataqanngingajattutut aaqqisuunneqarsimasut, tassami sinittarfinni tamani taamaallaat quleriinnik siniffeqarlunilu sikaaveqarmat, aappaanilu aamma amusariaaraqarluni. Taakkua saniatigut karsit arlallit pinngussanik imallit taakkunaniippuit. Misissuartortut naliliippuit sinittarfiit – titartakkat ataasiakkat iikkami nivingasut sinittarfiullu aappaata matuani plakati nivingasoq eqqaassanngikkaanni – kinaassuseqarpa-laartuungitsut.

PITU-mi pisortaqtigiit misissuinermi nassuaatitut oqaatigaat sinittarfinni siusinnerusukkut nerriveqarlunilu issiaveqarsimagaluartoq, najugaqartulli ilaastaakku “sakkutut” atortarsimammatigit peerneqarsimasut. Qulleqarsimaga-lu-arput plakateqarlutillu, qulliilli aserorneqarsimapput plakatillu iikkaniit nut-sul-lugit piiarneqarsimallutik.

PITU e-mailikkut 13. juni 2018-imeersutigut paasissutissiivoq misissuereerne-rup kinguninngua paaqqinnittarfiup meeqqat atisaat, pinnguaat, atuagaataat assigisaallu sikaavinniit saqqummersimagaat, aamma paaqqinnittarfiup assit, natersuit qulliillu meeqqanut tulluartut Nuummit tikisissimagaat, maannalu ik-kussuutereersimagaat.

Paasissutissiineq tusaatissatut tiguara.

11. Illumi malittarisassanik meeqqanut angajoqqaanullu tunniussisar-neq

PITU-mi malittarisassat naqitanngortinnejnerat misissuineq sioqqullugu tiguara.

Pisortaqtigiiit misissuinermi oqaatigaat illumin malittarisassat meeqqanut angajoqqaanulluunniit tunniunneqarsimanngitsut, meeqqalli illumin malittarisassat nalunngikkaat.

"Isumaginninnermik suliassaqarfimmi pissaanermik atuineq pillugu Inatsisartut inatsisaannut ilitsersuut – immikkoortoq II meeqqanut tunngasoq"-mi taamani Ilaqutariinnermut Inatsisinillu Atuutsitsinermut Naalakkersuisoqarfiusup november 2013-imi suliarisaani imm. 16-imi ilaatigut makku oqaatigineqarput:

"Paaqqinniffinni najugaqarfigisaniluunniit pitsaasunik allanngoqattaanngitsunillu atugaqr-nissaq qulakkeerniarlugu suliffimmi aaqqissuussisoqartariaqarpooq malittarisassartalimmik ulliunnarni malinneqartussanik. Inuit arallit illumin ataatsimi najugaqatigiillutillu sulissa-gaangata inini ataatsimoorfinni paaqqinniffimilu imaluunniit najugaqarfigisaq tamaat ataasisutut isigalugu akuerineqarsinnaasunik malittarisassaqarnissaq pisariaqarsinnaasar-poq sumiiffiit suliassaminnik atuuffimminnillu pitsaanerpaamik suliaqarsinnaanissaat qu-lakeerumallugu.

[...]

Suliffimmi malittarisassat inunnit malittarisassanik malinnittussaasutut naatsorsuutigine-qartunit ilisimaneqartussaapput, taamaattumik malittarisassat allassimasariaqarput aam-malu meeqqamut inuuusuttumulluunniit kiisalu angajoqqaatut oqartussaassusilimmut inis-sinnejnerup aallartinnerani aammalu malittarisassat allanngortinnejaraangata, tunni-unneqartassallutik.

[...]

Suliffimmi malittarisassanut ilaasinnaapput eqqiluisaernermet malitassat minnerpaaffis-saat, pujortartnermet malittarisassat, mobiltelefonip atorneqarnissaanut malittarisassat, meeqqat inuuusuttullu qaugu innarnissaat, inigisani qaugu eqqissisoqarsimanissaa kiisa-lu pifissat neriffissat, fjernsynerfissat, qarasaasiamic atuinissat pillugit malittarisassat, qaugu pulaartoqarsinnaanerit aammalu allattukkat avataasigut pisusanut inissiiffiup malittarisassai."

PITU e-mailikkut 13. juni 2018-imeersutigut paasissutissiivoq illumin malittari-sassat meeqqanut angajoqqaanullu tunniunneqartut.

Paasissutissiineq tusaatissatut tiguara.

12. Kommunit iliuusissanut pilersaarutaat

Meeraq angerlarsimaffiup avataanut inissinneqassasoq aalajangiisoqannginneh-rani meeqqamut iliuusissanut pilersaarut allaganngortitaq kommunip suliaris-savaa, kommunillu iliuusissanut pilersaarutip ilai pisariaqartut inissiivimmun tunniutissavai, iliuusissanullu pilersaarutip ukiumut ikinnerpaamik ataasiarluni nutarterneqartarnissaq qulakkiissallugu. Tamakku meeqqat tapersorsorneqar-nissaat pillugu Inatsisartut inatsisaanni nr. 20-mi, 26. juni 2017-imeersumi § 46, imm. 1, nr. 2-kkut, § 46, imm. 5-ikkut aamma § 47, imm. 1-ikkut aalaja-ngersarneqarput.

Misissuineq sioqqullugu kommunimiit meeqqanut iliuusissanut pilersaarutit PI-TU-mut tunniunneqarsimasut allattorsimaffiat tiguakka. Allattorsimaffimmi ta-kuneqarsinnaavoq PITU-p Tasiilami immikkoortortaqarfiani najugaqartunut ili-uuusissanut pilersaarutit nutartikkat pigineqanngitsut.

Kommuni akisussaasusoq tamassumunnga ilisimatippa.

PITU-mi pisortaqtigiiit misissuinermi oqaatigaat meeqqanut iliuusissanut pilersaarutit nutartikkat kommuni akisussaasusoq akuttunngitsumik nukingisaar-tarsimagaluarlugu.

Misissuinerup kingorna PITU e-mailikkut 13. juni 2018-imeersutigut paassisstissiivoq kommuni paaqqinniffillu meeqqanut iliuusissanut pilersaarutinik nu-tarterileruttortut.

Paassisutissiineq tusaatissatut tiguara.


13. Malitseqartitsiviginneq

PITU qinnuigaara immikkoortortaqarfimmi sulisut, najugaqartut ilaquaasullu nalunaarusiamik matuminnga ilisimateqquullugit.

Isumaginninnermut Inatsisinillu Atuutsitsinermut Naalakkersuisoqarfimmut na-lunaarusiap assilinera ilisimatitsissutitut nassippara.

PITU-p immikkoortortaqarfiani Tasiilamiittumi misissuinera matumuuna naam-massisutut isigaara.

Nalunaarusiaq manna Ombudsmandip nittartagaanut www.ombudsmand.gl-i-mut 2018-imilu ukiormoortumik nalunaarusiannut ilanngunneqarumaarpoq.

Ombudsmandi
sinnerlugu inuulluaqqusillunga

Kim Blokbo
Inatsisilerinermi pisortaq